

FRANCESC BOYA ALÓS, portavotz deth Grop Unitat d'Aran en Conselh Generau d'Aran ara empara de çò que dispause er art. 97.3 en relacion damb er art. 91.4 deth Reiau Decret 2568/86 de 28 de noveme, Reglament d'Organizacion e Foncionament de Regim Juridic des Entitats Locaus, sosmet ara consideracion deth Plen, entath sòn debat e aprobacion, se s'escatz, era següenta prepausa d'acòrd, qu'incorpòre ua Mocion en defensa deth modèl lingüistic dera Escòla Aranesa.

PREPAUSA D'ACÒRD PLEN: APROBACION, SE PROCEDÍS, DERA MOCION EN DEFENSA DETH MODÈL LINGÜISTIC DERA ESCÒLA ARANESA

Prumèr.- Aprovar era Mocion deth Conselh Generau d'Aran en defensa deth modèl lingüistic dera escòla aranesa

Mocion en defensa deth modèl lingüistic dera escòla aranesa

Es darrères senténcias deth Tribunau Superior de Justícia de Catalonha impòsen er usatge deth castelhan en Catalonha, ja sigue enes escòles o enes municipis catalans, e perpetuen era discriminacion legau que patissen es ciutadans e ciutadanes catalanòfones en Estat Espanhòl, atau coma meten de retruc en perill er estatus der aranés ena Val d'Aran.

Aguestes senténcias deth TSJC desvirtuen eth concèpte estatutari de lengua pròpria e i superpauen un canon d'enjudiciament estrictaments basat ena interpretacion jurisprudenciau dera cooficilitat.

Actuaument encara existissen mès de 500 disposicions legaus qu'imposen aué en dia er usatge deth castelhan, en tot negar d'aguesta manèra era igualtat de drets as ciutadans catalanofòns e aranesofòns.

Aguestes senténcias confirman qu'er Estat Espanhòl ei er unic dera Union Europèa que non arreconeish coma oficiau eth tot eth sòn territòri ua lengua mieja des dimensions deth catalan, un hèt que refoitalhe era percepcion que i a ciutadans de prumèra e ciutadans de dusau classa segontes era lengua que parlen, e en tot tier en compde es repercussions qu'agues hèt a e pòt auer sus era lengua pròpria d'Aran.

Aguest decantament deth TSJ en favor d'ua des lengües oficiaus entre eth grana contradiccion damb eth principi d'igualtat de drets que calerie regir en tot sistèma democratic, e damb era madeisha exigéncia d'aguest Tribunau qu'es Administracions an de respectar era eleccion de lengua des ciutadans

Ei pr'amor d'aguestes rasons qu'eth grop d'UA-PM-PSC en Conselh Generau d'Aran propòse ath Plen era adopcion des acòrds que seguissen:

ACÒRDS

PRUMÈR.- Manifestar eth nòste fèrm refús a toti es intents d'imposar er usatge deth castelhan en Catalonha, ja sigue enes escòles o as administracions publiques, hèts que perpetuen era discriminacion legau que patissen es ciutadans catalanofòns e aranesofòns en Estat Espanhòl.

DUSAU.- Manifestar eth supòrt ath modèl d'escòla aranesa en lengua e contenguts, atau coma a tota era comunitat educativa, entà per'mor que contunhe en tot aplicar-lo en sòn dia a dia.

TRESAU.- Reafirmar eth compromís deth Conselh Generau d'Aran damb era plea normalizacion dera lengua pròpria d'Aran, ja sigue en sòn usatge laguens dera pròria insitucion coma damb era sua relacion damb era ciutadania, es organismes e es entitats deth territòri e de tot eth sòn encastre lingüistic.



QUART.- Sollicitar ath Govèrn dera Generalitat a non hèr cap pas endarrèr e a complir çò que ditz era Lei d'Educacion de Catalonha e era Lei der occitan, aranés en Aran, per çò que hè dera lengua veïculara e d'aprendissatge en ensenhament e a complir era Lei de politica lingüistica per çò que hè ara lengua des administracions en Catalonha.

A handwritten signature in black ink, consisting of several loops and a long horizontal stroke extending to the right.

Francés X. Boya Alós

Conselhèr Generau e pòrtaveu deth grop d'Unitat d'Aran

Vielha, 9 de junhsèga de 2012